

根本說一切有部毗奈耶雜事卷第九以九

唐三藏法師 義淨奉 制譯

第二門第四子攝頌之餘

爾時惡生告苦母言劫比羅國諸釋種子勇健難當今閉城門上城防護我等何能得爲殺害今且歸還苦母苦曰大王諸有大城以巧方便皆當破滅我昔曾聞古仙所言有其五事決勝於他云何爲五頌云
一 和好行財賄 糜詐爲母術 後當以兵力
是智人所爲

準斯道理應設方便先爲矯詐遣使詣彼持王教命而告之曰今我於仁有愛戀心實無惡意緣有少事要欲入城幸爲開門暫見容納即還速出不敢停留依計至彼傳如上說城內諸人共集議論爲當放入爲不許耶或言放入或言不可或言總集一處可共行籌若籌多者應隨其語衆然其說即共行籌是時罪惡魔王作如是念我常隨逐沙門喬答摩覓其瑕隙不能得便我今宜可害彼眷屬正是其時即便變身作老釋子居其上坐先

受取籌以次諸人見彼受籌咸云老宿既受我何不取于時衆內多人受籌既見籌多遂即開門令王軍入王曰我已棄捨劫比羅城諸釋迦子任情誅殺衆聞教已便縱四兵旗鼓震天暨聲聒地隨處誅戮無悲愍心時釋種大名見此事已於諸眷屬起極悲憐頭髮蓬亂即疾往詣惡生之所白言大王當與我願王曰欲須何願自言於諸釋種幸施無畏

業者出城而去或往末羅國或往泥波羅或往其餘聚落城邑若於昔時同惡業者雖出東門南門還入南門出西門入西門出北門入北門出東門入諸臣見已而白王曰今時釋種皆自燒煮以何得知諸門出者悉皆還

入王曰速看大名入水何久遣使觀之見其已死還白王知彼已命過王加瞋怒即告臣曰可設高座我昇其上躬自瞻望若我不見人血橫流騰波街巷者我終不能身離此座即登座遙望諸勇健人被殺之時法爾血少諸臣議曰仁等應知今此惡生作大罪業自爲要契望血橫流何處得有如斯之事宜取紫鑽煮令色赤盛滿千瓦當街傾瀉觀其流去與血不殊如計便作報言血至惡生遙見謂其是血便作是念我今望足宜可歸還時

惡生愚人枉殺釋種七萬七千此諸人內多是見聖諦者殺戮如是諸賢善已遂將釋種五百童男及五百童女行至一園是外道住處苦母白言此等千人皆是怨家何不總殺王曰云何當殺答曰令羣象腳踏是時五百釋子有大勇力摸象令倒手擎棄之苦母見已白惡生曰大王見此勇健人不王曰我見答白若捨此徒當與大王作無利益王言有實若爲殺之答曰掘地作坑埋令頭出上以鐵杖磨之令碎時有二童子走至佛所爾時

世尊欲令知業感報不虛即以神力化鉢令大合二童子即於鉢下爛熟而終殺釋種時佛極頭痛即告阿難陀曰盛水滿鉢持來我所時阿難陀即授鉢水是時世尊以額上汗兩三滴許置鉢水中即便煙出震吒作聲如以熱鐵投之於水是時惡生告一人曰汝當住此佛若於我有所記者可速來報即將五百釋女還歸本國時諸苾芻見此事已咸有疑心請世尊曰大德因何業故今佛頭痛劫比羅城諸釋種等復作何業由彼爲緣實無

罪犯被愚癡惡生輒見誅戮世尊告阿難陀曰汝今可去告諸苾芻咸應集在外道園中我當爲說愚癡惡生殺諸釋種先業因緣尊者受教即往白衆爾時世尊與諸苾芻行詣彼園時有婆羅門於其中路遙見世尊作如是語喬答摩愚癡惡生多造惡業釋種無罪枉見殺害佛告婆羅門如是如是愚癡惡生造作無量尤重惡業釋種無罪枉爲屠害佛至園中見彼被磨童男童女尚有殘命彼見佛時悉皆號泣世尊即便在其一面於所敷

座就之而坐告諸苾芻曰劫比羅城諸釋種
子已經三度被他屠殺出大叫聲昔爲漁人
殺諸魚類復於聚落傷害諸人今於此時被
惡生所殺尚有殘命出大叫聲與昔無異汝
等苾芻頗曾聞見諸有獵師屠膾之類以其
四九
自業活命之事能得象馬車步威嚴熾盛不
諸苾芻言未曾聞見如此之事佛言善哉苾
芻我亦未曾聞見斯事獵射之徒得如是熾
盛兵衆何以故由彼屠人有罪惡心伺求物
命緣斯惡業不能獲得象馬車步熾盛威嚴

多有財貨何以故由彼羊等禽獸之類被殺
之時以其惡心視彼人故由斯不獲象馬車
步及諸財物汝等苾芻彼畜生趣所有衆生
惡眼看時尚能令彼不得四兵及諸財寶何
況惡生愚癡垢重殺彼學人具大威德持淨
戒者而能增盛象馬車步及諸財物得安樂
住不遭損減無有是處汝等當知憍薩羅城
譬如毒龍所顧視處悉當滅壞此城亦爾七
日之後愚癡惡生及與苦母被火所燒揚聲
號叫墮於無間大地獄中受極苦惱是故汝

等應如是知於諸枯木尚息惡心豈況其餘
舍識之類時諸苾芻見是事已咸皆有疑請
世尊曰此五百釋子曾作何業由彼業力現
無愆犯被愚人惡生枉見誅戮又因何業誅
戮之時令佛頭痛佛告諸苾芻以九五彼諸釋子及
我前生所作之業汝等善聽彼所作業因緣
合會成熟之時如暴流水不能止遏無代受
者廣如上說乃至果報還自受之汝等苾芻
乃徃古昔於一河邊有五百漁人依止而住
時有二大魚從海入河泝流而上彼見二魚

情生喜悅共張大網捕得其魚見其極大共
相議曰今欲如何魚既極大若頓殺者肉便
壞爛何所用爲或云且殺一魚一繫在水或
云二魚皆大若殺一者其肉亦壞可繫於柱
安在水中勿令命斷須肉之時生取而食咸
言可爾即共分割魚受楚苦發大叫聲是時
漁人之中有一童子見如斯事生歡喜心時
二大魚而作是念我實無辜橫加劇苦當來
之世此等生處我亦生彼雖無罪犯我苦殺
之汝等苾芻勿生異念彼二魚者即惡生苦

母是五百漁人者即五百釋子是由彼五百漁人令其二魚受劇苦故今被惡生苦母掘地埋身於以鐵狀今諸釋子受大苦惱諸餘釋種皆是當時隨喜之類其漁人中一童子者即我身是由見殺魚心生歡喜遂成其業由彼業故我雖證得無上菩提然猶受此頭痛之苦我若不獲如此福聚無邊功德者亦同彼等受其誅戮復次汝等苾芻應更諦聽劫比羅城諸釋種子過去世時所作之業有五百羣賊至一村中劫奪財物有二長者閣

上而住賊喚令下長者不下賊又語云若不下者令汝總失長者報言我寧受死終不能下賊便積柴放火燒閣熾火上騰受焚燒苦長者作念我無憊犯令我受苦於未來世隨汝生處我亦同生報汝斯苦汝等苾芻勿生異念彼二長者即惡生苦母是五百賊者即五百釋子是由彼賊徒殺二長者今此二人亦還殺彼是故苾芻作黑業得黑報白業得白報雜業得雜報是故汝等應捨黑雜二業勤修白業當如是學時惡生王殺釋子已往

六

室羅伐城欲入城時逝多太子於高樓上與

諸緣女奏妙音聲受五欲樂惡生聞已問曰
是誰諸臣答曰逝多太子王曰喚來即承命
至責曰我討怨家非常疲苦汝何於此受欲
樂耶太子答曰不審大王誰是怨家王曰劫

比羅釋子即是我怨太子曰若釋子是怨者
誰爲善友王聞是語便大瞋怒告諸臣曰此
亦與諸釋子爲黨急可誅戮諸臣即殺命終
之後得生三十三天人間勝報尚猶未盡天
中妙樂隣次受之爾時世尊欲宣此義而說

頌曰

今生若喜來世喜 由其作福二俱喜
自知此喜由先業 更復轉生於善趣
今生若樂來世樂 由其作福二俱樂
自知此樂由先業 以九更復受樂於餘趣

爾時具壽阿難陀聞佛說已白佛言大德我
今不解如斯頌義佛言阿難陀其逝多太子
無有憊犯被愚人惡生枉見誅戮人間勝報
尚猶未盡天中妙樂隣次受之我緣此事故
說斯頌時阿難陀默然信受後於異時愚人

惡生與諸緣女在宮殿中便自誇讚如我大
力勇健難當所爲究竟於此世間有相似不
于時惡生所將五百釋女聞其語共說頌曰
彼是佛家子 爲戒所拘束 汝今盡誅戮
自讚欲何爲

王聞釋迦女說是頌已發大瞋怒亦即以頌
告諸臣曰

誅龍留龍女 於我生瞋毒 速宜截手足
急遣隨親去 時諸臣等即將五百釋女於波吒羅池邊截

其手足因此號爲截手足池諸經首云佛在
室羅伐城截手足池邊此是其事是時五百
釋女被截手足受大痛苦不能裁忍便作是
念我等今時諸苦逼身痛切難堪世尊大慈
寧不垂愍諸佛常法無有一事而不覺了乎
時世尊起大悲心遂到其處見諸釋女露形
而坐世尊見已起世間智諸佛常法若起世
俗心乃至焜蟻皆知佛意若起出世心乃至
聲聞獨覺不知佛意況餘含識而能得知佛
作是念善哉若得舍支天女持衣及水來至

此者極爲要事佛作念已舍支天女即知佛意作如是念何故如來起世間念我知世尊欲爲五百釋女宣說妙法須衣及水即持五百天衣往無熱池處以瓶取水來至佛所頂禮佛足而白佛言大德五百天衣及妙香水以九今並持來佛言汝往慰問諸釋迦女與洗身體皆今著衣于時舍支如佛所教次第皆作爾時如來以神通力令彼五百釋女苦痛皆除告言汝等善女人自作斯業今時成熟必當自受無人肯代爾時世尊說此語已捨之

而去彼諸釋女於世尊處發淨信心即便命過生四天王宮若男若女生天者即起三念我於何處死今在何處生由作何業便憶前身於人趣死今生四天王宮於世尊處極生尊重發淨信心時彼五百釋女便作是念我若不往禮世尊者是不恭敬是非所宜于時五百天女作斯念已即各嚴身具諸瓔珞光明殊妙便以天衣盛妙天華所謂溫鉢羅華鉢頭摩華拘物頭華分陀利華曼陀羅華過初夜分來詣佛所天華供養禮雙足已在

一面坐聽受妙法時諸天女光明赫奕周遍
照耀逝多園林爾時世尊隨諸天女意樂根
性爲說妙法令彼得悟四聖諦理時諸天女
以金剛智杵摧破二十薩迦耶見山得預流

果既見諦已三白世尊言大德由佛世尊令

我證得解脫之果此非父母人王天衆沙門

婆羅門親友眷屬之所能作我遇世尊善知

識故於地獄傍生餓鬼趣中拔濟今出婆置

人天勝妙之處當盡生死得涅槃路乾竭血

海超越骨山無始積集薩迦耶見以金剛智

杵而摧碎之得預流果我今歸依佛法僧寶
受五學處始從今日乃至命終不殺生乃至
不飲酒唯願世尊證知我是鄧波斯迦即於
佛前合掌恭敬而說頌曰

我由佛力故 永閑三惡道 得生勝妙天

長歸涅槃路 我依世尊故 今得清淨眼

證見真諦理 當盡苦海際 超出於人天

離生老死患 有海中難遇 我逢今得越

我以莊嚴身 淨心禮佛足 右遶除怨者

今往赴天宮

時彼五百天女既稱所願猶如商主多獲財利亦如農夫廣收田實如勇健者降伏諸怨如重患人除去衆病生大歡喜辭佛而去俱徃天宮時諸苾芻聞是語已咸皆有疑請世尊曰此五百釋女曾作何業由彼業力於此生中無有慘犯愚人惡生枉截手足又因何業得生天上聞佛正法證真諦理佛告諸苾芻彼諸釋女所作之業成熟之時因緣合併廣如上說所有果報各還自受汝等苾芻乃徃過去此賢劫中人壽二萬歲時有佛世尊

名迦葉波如來應供等正覺知明行足善逝世間解無上士調御丈夫天人師佛世尊出親於世此五百釋女於彼佛法中出家爲苾芻尼常於學無學苾芻尼邊作截手截足之言而爲罵詈由此業力於無量歲中墮在地獄受燒然苦復此餘業五百生中常截手足乃至今生亦受此苦由於我所起淨信故得生天上復由昔日作苾芻尼受持讀誦正法教故值我聞法證見諦理汝等苾芻此皆由業廣如上說是時惡生所留之人聽佛記已

還惡生處彼便問曰世尊於我有何言記彼
言大王如來說言憍薩羅國悉當破滅更經
七日惡生苦母被猛火燒身墮在無間入地
獄中是時惡生聞彼所說極懷憂惱掌頰而
住苦母見已問言大王何故懷憂王言苦母
我今云何得不憂惱世尊有言記我及汝於
七日後猛火燒焚墮在無間大地獄中苦母
對曰大王如乞索婆羅門入舍乞求不得物
時欲令其家生百千種不吉祥事何況沙門
喬答摩所有親族被王誅合德無深重怨恨

之言隨其惡心而爲呪咀王若懼者於後園
中池水之內造一柱樓王應詣彼七日居住
日滿之後方可入城王言如是即今造樓將
諸宮人及苦母等昇樓而住過一夜已苦母
白言大王一夜已過餘六夜在當共入城如
是二三乃至七日苦母言今日安隱共入城
中于時四面忽然雲起女人常事樂觀瓔珞
諸宮人等共相謂曰莊嚴結束可徃城中即
整衣服時有一女以日光珠置偃枕上而自
嚴飾雲去天晴日光忽現照觸寶珠便即火

出燒其僵枕猛燄上騰即焚樓閣諸宮人等
四散馳走惡生苦母皆被火燒便欲走出時
有非人關閉其戶不能得出于時惡生被火
燒害極苦纏心告苦母曰禍哉我今已受燒
害之苦苦母曰大王我亦同此大火燒然身
皆爛熟俱大號叫便墮無間大地獄中受諸
極苦爾時世尊即說頌曰

今生若燒來世燒 由其作罪二俱燒
自知此燒由惡業 更復轉生於惡趣
今生若苦來生苦 由其作罪二俱苦

自知此苦由惡業 更復受苦於餘趣
爾時具壽阿難陀聞佛說已白言大德我今
不解如斯頌義佛言阿難陀愚人惡生及以
苦母被火焚燒墮阿毗止大地獄中我因斯
事密說此頌廣如上說時惡生王既誅釋種
於彼城中有餘瓔珞環釧嚴身之具諸釋女
等見即啼泣心懷憂惱即自念云彼諸人等
生存之日敬重衆僧宜將此物為彼追福奉
施衆僧即持布施時六衆苾芻得此物已便
自嚴身入劫比羅城次行乞食釋女見之如

前啼泣白言聖者我等不欲覩見斯物故施
仁等望息憂心今還今我起昔追念六衆默
然是諸苾芻以緣白佛作是念由諸苾芻
身著瓔珞及諸環釧并金線帶有如是過自
今已後制諸苾芻但是嚴飾雜彩之具悉不

以九
應著若有著者得越法罪

第二門第五子攝頌曰

出家有五利 不捉錢授學 大衆說伽陀
煙筩味聽許

緣在室羅伐城於聚落中有一長者娶妻未

久歡懷而住後於異時長者親族及以財物
悉皆喪盡便作是念我今年老不能求覓錢
財受用加以親族死亡略盡我今宜可捨俗
出家作是念已告其妻曰賢首我已年老不
能求覓錢財產業親族喪盡今欲出家妻答
言善然可時時看問於我夫報言爾即往逝
多園中諸苾芻所禮雙足已白言聖者我求
出家報言賢首斯爲善事隨汝意作如世尊
說諸有智者見五利故當樂出家云何爲五
一者我得自利不共他有是故智者應求出

家二者自知我是卑賤之人被他驅使既出家後受人恭敬讚揚禮拜是故智者應求出家三者當得安隱無上涅槃是故智者應求出家四者從此命終當生天上是故智者應求出家五者常爲諸佛及聲聞衆諸勝人類之所讚歎是故智者於善法律應求出家汝今發心斯爲善事時彼苾芻即與出家并受圓具經二三日教法式已告言賢首鹿不養鹿室羅伐城處所寬廣是佛境界應行乞食以自活命彼於是朝執持衣鉢入室羅伐城

乞食逢一女人形似其妻見已作念我先共妻作是要契得出家後時往看問今既出家宜存言信勿令憂惱乞得食已還逝多林未久時間白鄒波駄耶言我先與故二作是要契得出家後時往看問願垂聽許師曰隨汝意去自善護心答言可爾奉辭而去漸漸遊行至舊村處其妻遙見迎前疾至唱言善來善來聖子即欲捉衣提鉢苾芻曰賢首欲何所爲答曰欲捉取衣鉢苾芻曰勿觸衣鉢問曰何故答曰我奉鄒波駄耶所誠今善護心

彼言聖子汝自防心我豈相障即捉衣鉢敷座令坐將洗足水問曰欲何所爲妻曰欲爲洗足答曰勿觸我足問曰何故報曰我奉師誠令善護心彼同前答便與洗足後將油來欲爲塗足苾芻見問答言塗足苾芻曰汝勿爲塗問答同前鄖波駄耶誠我慢心彼問聖子汝自防心又將食來欲同盤食問曰何爲答曰離別多時不同處食意欲共食苾芻不許問答同前即敷氈褥白言聖子遠來疲困願少眠息苾芻既洗足已即便卧息時彼即

來欲同處卧苾芻曰汝欲何爲答言聖子不
同卧來時節淹久意欲同卧問答同前苾芻
不許即來抱觸女是觸毒被摩觸時心便動
亂發諸惡念即共交會多日共住報其妻曰
我欲還寺妻作是念此乃共我私交外人不
見我今可使衆人知之諸苾芻等定當擯逐
四九
還來我處作是念已白言聖子不可空去可
將多少糧直貝齒隨行苾芻曰我不合捉金
貝等物如何持去妻曰我今設計使不觸著
即使以物繫錫杖上報言將去苾芻即持錫

而去至室羅伐城六衆苾芻常法守門不令空過時鴃波難陀門首經行遙見彼苾芻來頭似鷁梟眉長垂下見已便念是何尊者而來於此應可相迎即逆前行唱言善來善來尊者時苾芻報曰敬禮阿遮利耶時鴃波難陀便作是念此必定是摩訶羅苾芻不知鴃波駄耶不識阿遮利耶我今問彼從何所來即前問曰老叟從何所來答曰阿遮利耶我看故二來鴃波難陀曰汝是善人情存恩惠念昔恩者人皆共讚世尊亦說汝等苾芻常

學報恩少恩尚報何況多耶汝存宿恩得見妻不答言我見又問得安隱耶報云幸承覆護甚得平安汝錫杖上是何等物答曰妻爲道糧與我貝齒鴃波難陀曰老叟汝甚福德往見妻已得此利來復作是念看此舉容應以七十五
有別事我念應以軟語問之其摩訶羅性懷愚直所作之事具向說之鴃波難陀曰汝所作者更可具向鴃波駄耶處說彼聞歡喜彼至師邊一一具說師聞此語告諸苾芻是諸苾芻以緣白佛佛告諸苾芻彼摩訶羅不知

輕重無故心犯若未曾爲說四波羅市迦者
彼便不犯汝等苾芻由此緣故受近圓已即
應爲說四波羅市迦法若不說者得越法罪

根本說一切有部毗奈耶雜事卷第九

音釋

囂	<small>虛驕喧聲也</small>	切	吒	<small>陁駕切</small>
			叱	<small>怒也</small>
		切	遏	<small>鳥割止也</small>
				切
劇	<small>上曰奇逆</small>	切	訛	<small>蘇故逆流而切</small>
蠅	<small>流孳也</small>	切	蠅	<small>古蠅切</small>
妹	<small>昌朱切</small>	切	蠅	<small>蟲之總名切</small>
魚	<small>切</small>	魚	<small>舍也</small>	<small>色角切</small>

永樂北藏

一切有部毗奈耶雜事

第八五冊